

Qivaaqi

Qallunaatut atia: Paddeulk, Almindelig

Latiinerisut atia: Cottunculus microps

Tuluttut atia: Polar Sculpin

Sorlernut ilaava: Aalisakkat

Uumasooqatai: Kanassut

Ilaqutai: Issittup kanajui



Qivaaqi Kalaallit Nunaata kitaani Tunullu kujasissuani nalinginnaavoq. Nalinginnaasumik immap naqqani aqitsumik marullulimmi 170-1000 meterinik itissusilimmiuvoq. Atlantikup avannamut kangisissuani Norgep sineriaa sinerlugu Svalbardimiit Nordsøp Islandillu avannarpasissuani kiisalu Canadap avannamut kangisissuani aamma uumasuuvoq.

Ilisarnaatai

Qivaaqi ataasiinnarmik qimerlummigut avaleraasaqarpoq niaqua silittuulluni, saanertanik erseqqissunik tinupattaqarluni. Qivaaqi tattaqarani amia maniilakulattorujussuuvoq. Qaserujuttuuvoq 3-4-nik silittunik nimeruaqarluni.

Nerisai

Nerisarai immap natermiut, soorlu sangujaat, kinguit peqqukujuillu allat.

Paasisutissat

Uumaffii: Imaq

Takissusia: 30 cm tikillugu

Suai: 200-220, 5 mm miss. diameteri

Suffisarpoq: aasakut-ukiakut

Nalunngiliuk?

Issittup kanajuata timaa

amitsukujuujuvoq naraserluit ilaannut

haletudsikkunnut eqqaanartooq,

taamaattumik qallunaatut taamatut

atserneqarsimavoq.